

Prig. III 243. 1

Израђено у књижованици  
ДРАГ. М. ПЕТРОВИЋА  
БЕОГРАД VI, Адм. Булевар 88



# С Л О В О

ВЫСОКОПРЕОСВЯЩЕННѢИШИМЪ

И

ВЫСОКОДОСТОЙНѢЙШИМЪ

ГОСПОДИНОМЪ

**ІЕРОΘЕЕМЪ МУТИБАРИЧЪ,**

ПРАВОСЛАВНЫМЪ ЕПІСКОПОМЪ ДАЛМАТІЙСКИМЪ,

при своемъ во Епископа посвященіи

дне 26-го Октовріа, 1843. Лѣта,

торжественномъ,

во кафедральной Церкви Карловачкой говорено,

по желанію премногихъ Высокопочитателей

Е Г О

на свѣтъ издано.

---

У НОВОМЪ САДУ,

Печатано писмены Іоанна Каулицій 1843.

С Л О В О

ВЫСОЧАЙШЕГО СЛАВНОГО

И

ВЫСОКОДОСТОЯТЕЛЬСТВА

ТОСНОДНОМУ

ГРОФУ М. Г. ТРАВАРЬ

ПРАВОСЛАВНЫМ ЕПИСКОПОМ ДАМАЗИНСКИМ

И В СВОЕМЪ ВО ЕПИСКОПА ПОСВЯЩЕНІИ

г. 25 Октября, 1893. Актъ

г. 25 Октября, 1893. Актъ

ПО РАБОТАМЪ

№ 6р. 320023

ПО РАБОТАМЪ



ВЪ ПОСЛѢДНІИ

Печатано въ типографіи Лопухъ въ г. Калугѣ 1893

**Высокопревосходительнѣйшій, Высокопреосвященнѣйшій Господине**  
**Архіепископе и Митрополите,**  
**Господине мнѣ Милостивѣйшій!**

**Настоящій** день главнѣйшую живота моего составляетъ Епоху тоя ради вины, что днесъ всевышній небесе и земли Творецъ, иже всемогущею силою своею возвышаетъ нища отъ гноища, и отъ каменія себѣ чада произвести можетъ, и на мене грѣшнаго и недостойнаго раба своего благодать и милость свою обилно излити и мнѣ величіе сотворити благоволи. Днесъ бо азъ, по милостивѣйшему Твоему Высокопревосходительнѣйшій Господине! представленію, Его Величествомъ, Всепресвѣтлѣйшимъ и Державнымъ Императоромъ и Кралемъ нашимъ Фердинандомъ Первымъ во Епископа Богоспасаемаыя Епархіи Далматійскія благоутробнѣйше наименованный, въ таковаго торжественнѣйшимъ, отъ святыя матере нашея Церкви прописаннымъ, образомъ, благодатию пресвятаго Духа, средствіемъ Твоихъ пречистыхъ рукъ проручествованъ быти сподобихся, днесъ глава моя священною Архіерейскою діадимою увѣнчана, днесъ въ руцѣ мои жезлъ правленія, жезлъ пасенія православнаго нашего стада духовнаго въ Богохранимой Діецезѣ Далматійской суцаго, Твоею святою десницею вручися.

Когда азъ дарованнаго ми сана сего выпренность, отличіе и важность подробно разсмотрю, и съ моимъ отъ niskихъ и убогихъ родителей рожденіемъ сравню: тогда и душа и сердце мое не могутъ удержатися, еже въ рѣцѣ радости же и веселія оттуду проистекающей не погружатися. Воистинну чувствованія сія толь велика и толь силна суть во мнѣ, яко да ихъ никакоже слабое мое слово, но богатое святаго Златоуста витійствованіе по достоинію изразити можетъ. Коя бо вѣщія красоты, коя ли вѣщія сладости, паче кра-

снѣйшаго и сладчайшаго имене Архіереа Божія сердце мое и возжелити можетъ? Презѣльнаго сего моего днесь сбившагося возвышенія разсмотреніе, аще бы единостранно было, легко бы мене, яко слабощна чловѣка, даже до невозволителнаго вышенія и киченія и самыя гнусныя гордости привести могло.

Обаче егда душа моя множество и важность должностей, ихже высокопарный Учитель С. Апостоль Павелъ посланіями своими къ Тимоѳею и Титу писанными, Архіерейскому званію присоединяетъ, себѣ въ память приведетъ, тогда она не можетъ не обятися многимъ страхомъ, многимъ трепетомъ, не можетъ не отвреци фарисейское надменіе и не воспріяти смиренномудрствующее Мытарево сердце. Вся бо ми яко Архіерею належашія должности, подобно вѣтвѣмъ въ семь многоважномъ стеблѣи соединяются, еже сирѣчь порученное ми стадо духовное къ правовѣрїю и добродѣтельному Хрістіанскому житію благовременно и безвременно, якоже словомъ тако и дѣломъ и паче симъ приводити гласомъ не токмо до овецъ, но и до самыхъ подручныхъ ми Пастырей дозываются, сихъ къ точному званія своего исполненію добрымъ примѣромъ руководити и поощрять, и тако цѣлаго Стада духовнаго спасеніе содѣвати. Коль же тяжело есть мнѣ, яко чловѣку по словеси предпохваленнаго святаго Апостола, плотяну, и подъ грѣхъ продану, тойже небесной и зѣло широкой должности подоба-тельно удовлестворити, мню, яко всякому болше быти познано, нежели да бы требѣ было, о томже слово dalje простырати. Коль же ми еже тяжше быти имать, аще во именованной Діецезѣ, яко во велицѣмъ дому, по тогоже Святаго Апостола израженію сосуди не точию злати и сребрани, но и деревяни и глиняни обрящутся. Чистосердечное сіе мое, претяжкаго, на слаба моя рамена, днесь возложеннаго бремене, разсужденіе, силно мя убѣждаетъ, здѣ посреде храма Божія явно исповѣсти, яко азъ, аще хвалитися ми подобаеъ, точию о немощи моей похвалитися имамъ. Чтоже еще да реку? таковымъ безпристрастнымъ о Архіерейскомъ званіи размышленіемъ, духъ мой легко бы даже и въ самую очаянія бездну пасти могъ, аще бы азъ въ томже многострудномъ званіи, особенно же въ началѣ его и въ Діецезѣ Далматійской, яже отсюду яко отъ Сіона нашего найудаленѣйша есть, самому себѣ оставлѣнъ былъ, и въ случаяхъ мя отягощающихъ нигдѣже руки помощи обрѣсти не могъ. Обаче имѣя азъ Тебе верховнѣйшаго Церкви нашей Предстателя, мудраже и искусна Управителя, у Негоже во всякихъ возродитися могущихъ недоумѣніихъ и тѣснотахъ благаго Совѣта и просити и получитьи извѣстно могу; ктому вѣдая азъ, яко и Ты въ премилой Тебѣ Далмаціи щастливо и славно Архіерействовалъ, и ондѣ Твоимъ доблественнымъ подвигомъ вся пути, вся стези, коими Архіерей, званія своего достойно и безбѣдно ходити мо-

жетъ, отверзлъ и благоустроилъ, всячески имамъ приклоншійся духъ мой воздвигнути и укрѣпити, и тако вѣреннаго ми ондѣшня Діецезы корабля церковнаго кормило дерзновенно воспримити, и тойже къ душеспасительному пристанищу, не бояся никакихъ бурей, со всякою ревностію управлять.

И зане сердце мое прямо виновниковъ презлнаго моего днесъ совершеннаго возвышенія чувствіемъ благодарности возгорѣлося; того ради азъ въ первыхъ:

Тебѣ тріпностасный Господи Боже неисчерпаемый всѣхъ благъ Источниче, приклоняю душу и тѣло мое, и пламенное благодареніе приношу, яко благоволилъ еси божественнымъ Твоимъ благоутробіемъ мя грѣшнаго и недостойнаго раба твоего во высренное Архіерейское служеніе избрати и поставити. Тебѣ же Отче небесный! воздѣю преподобныя руки моя, и молотися раболѣпно, укрѣпи мя Твоимъ едиnorodнымъ Сыномъ, Господемъ и Спасомъ нашимъ Исусъ Христомъ; просвѣти мя и вразуми Твоимъ пресвятымъ Духомъ, благимъ Утѣшителѣмъ нашимъ, да дарованное ми званіе и по Святому ученію Евангелскому, и по истинѣ, Сіюже днесъ предъ Тобою кляхся, и Сяже никогдаже отвергуся, въ честь, хвалу и славу Твою начати, продолжити и совершити, въ самый же вечеръ живота моего съ Пророкомъ Давидомъ Тебѣ дерзновенно, возгласити могу; *Се азъ, и дѣти, яже ми далъ еси Боже!*

Благодарю сыновнѣ и подданически Всепресвѣтлѣйшему и Державнѣйшему Императору и Крало нашему Фердинанду Первому, иже яко первѣйшее и главнѣйшее отъ самаго невидимаго Бога ко исполненію святыя воли и божественныхъ вѣчныхъ и спасительныхъ законовъ своихъ, преопредѣленное и предизбранное орудіе благоутробнѣйше и отечески изволи мене во Архіереа Богоспасае мья Діецезы Далматійскія наименовати. Отданъ сый ему и душею и тѣломъ и самою жизнію моею, о мирѣ, здравіи, долгоденствіи и спасеніи его, донелѣже въ живыхъ буду, ходя и сѣдя, легая и востая, превосходнѣже во время приношенія безкровныя жертвы всемогущему міра Управителю и Царю Царей, молитвы моя духомъ и истиною возсылати буду. — Благодарю и всему Августѣйшему Дому Австрійскому, и желаю отъ всевышняго Творца, да онъ тихое и безмолвное его на крузѣ земномъ царствованіе всесилою десницею своею даже до послѣднихъ земли и моря, во утѣху и благополучіе не толю многочисленныхъ своихъ вѣрныхъ подданиковъ, но и цѣлаго рода челоувѣческаго распространитъ, и донелѣже свѣтозарное солнце на небеси постоитъ, твердо и непоколебимо сотворитъ.

Тебѣ же Высокопревосходителнѣйшій Господине Архіепіскопе и Митрополіте, Владыко мой и Отче мой! что воздамъ о всѣхъ, яже ми далъ еси? Чести бо моя, либо моралнаго живота моего, кой мнѣ якоже фу-

січескій драгоцѣнъ есть, блаженныя и незабвенныя памяти здѣ лежащій Архі-Епископъ и Митрополитъ Стефанъ отъ Стратимировичъ первый Адамъ бысть; Ты же вмѣсто него мнѣ въ благодѣтеля Богомъ данный, не точію оное, еже ми преранна смерть его неумытною косою своею отсѣче, подобно второму Адаму въ полной мѣрѣ мнѣ возвратилъ, но и болшами еще мя одарилъ еси. Не могу удержатися здѣ посреда церкви Божія явно не исповѣсти, яко Ты единый сердце мое въ бѣдахъ и скорбехъ, якоже мірови познано, величиною и свирѣпостію своею рѣдкихъ, мучимое и томимое, не токмо крѣпкимъ слова даромъ Тебѣ свойственнымъ, но и самымъ дѣломъ, по собственному своему побужденію, и по единому своему челоуколюбію и милосердію совсѣмъ утѣшилъ, и отъ рова погубелнаго очаянія отечески спаслъ еси. Ты днесъ не точію Тобою, но и нынѣ съ благодарнымъ сердцемъ помянутымъ Архіепископомъ и Митрополитомъ, мнѣ твореннымъ благомъ вѣнецъ паче злата и топазіа драгоцѣннѣй возложилъ еси. За таковая Твоя мнѣ богато указанная благодѣянія и за милость, еже призрѣлъ еси, мое отъ много лѣтъ въ людехъ преизлиха бываемое поношеніе отяти, и тѣмъ аки цѣлебнѣйшимъ пастыремъ сердце мое, глубоко и горцѣ язвленное, конечно залѣчити, кій ми похвалными вѣнцы увяжу Твою Святителскую Іераршу Главу? Или кія благодарителныя пѣсни воспою Твоему правдолюбивому духу? Блажено чрево носившее Тя Іосифе! Блажена сосца, юже еси ссаль Іосифе! О коль сладко гортани моему имя Твое. паче меда устомъ моимъ! Но аще уста моя вся дни живота моего, и донслѣже душа моя отъ тѣлесныя своея храмины не разлучится, Тебе великій нашъ Іерарше! хвалити и превозносити и не умолчатъ! ничимъ менше благодарность, коя бы величину Твоея днесъ на мя изліянныя милости достигла, никакоже сотворити возмогутъ. Того ради азъ ко Господу Богу воздыхати буду воздыханіи неизглаголаннми, да онъ и здѣ немощь мою дополнѣвъ, Тебе утѣхо и радости моя, и народныхъ нашихъ горящихъ желаній мужу! здрава и щастлива на многа и премнога лѣта содержитъ.

Благодарю и Вамъ Преосвященнѣйшіи и Высокопочитаеміи Господіе Епископи, яко мя и доселѣ не инаковою, но братскою любовію, обимасте, и не пощаждѣсте великаго труда и подвига, сѣмо драговошно пріити, и днешнее къ моему особѣ относящееся торжество братолюбно совершити.

Наконецъ и всѣмъ Вамъ богособраніи и Высокопочитаеміи, всякаго чина и сана Господіе, дражайшіи сродницы, искреннѣйшіи друзи и знаеміи мои, и вся во Христвѣ любезнѣйшая Братіе моя! отъ всего сердца моего благодарю, яко благонаклонно и братолюбно изволисте сѣмо на днешнее торжество пріити, и тоуже многоцѣннымъ вашимъ присутствіемъ велми пріумно-

жити. Самое то ваше многочисленное стеченіе и торжества днешнаго соуча-  
стіе вашу прямо мене искреннюю любовь и неоцѣненное благоволеніе солне-  
чныхъ лучъ свѣтлше показываетъ; но тѣмъ самымъ и Вы отъ моего страны всяче-  
ски увѣрени быти можете, яко истыми Вашими прямо мене изявленными ра-  
достными чувствованіями, на скрижалехъ сердца моего вамъ благодарител-  
ный, и до конца жизни моего неизгладимый памятникъ написанъ, и запечатлѣнъ  
стался. Аминь.





БИБЛИОТЕКА  
МАТИЦЕ СРПСКЕ

жизни. Самое то есть многозначное чтение и торжества имени его  
это были право и не покорению, но добру и покорению. Глаз его  
длинный и светлый покрывает; по тем самым и в отъезд своем  
он должен был видеть, как востановились в нем мои намерения  
доказать и восстановить на сражаемых сердцах моего глагола  
нам, и то коня жизни моей и жизни нашей, и заповедь  
стала. Аминь.

ВЕРНОСТЬ  
1880







БИБЛИОТЕКА МАТИЦЕ СРПСКЕ

P19Cp III 243.1